

Exercise: Character Sketch

Si Jillian ay 25 taong gulang. Graduate siya ng kursong psychology sa isang prestihiyosong unibersidad sa Quezon City at, kasalukuyang naghahanap ng trabaho matapos siyang pumasa sa board exams ng psychometricians. Pero ang totoo, napilitan lang siyang kunin ang psychology dahil ito ang sabi ng Daddy niya. Hindi niya rin alam ang kukunin noong kurso dahil tutol ang Daddy niya sa pagkuha niya sana ng kursong Theater Arts. Ngayon, hindi na niya alam ang gusto niyang gawin. ***Pero matagal na niyang hinihiling na marinig mula sa mga magulang niya ang “masaya kami para sa’yo”.***

Nakatira pa rin si Jillian sa mga magulang niya dahil wala siyang trabaho, matapos itong manirahan sa dorm sa Quezon City noong college. Hindi na alam ni Jillian ang gagawin niya sa buhay niya, kaya nagpasya siyang gumamit ng dating app para makahanap ng kausap. Doon niya nakilala si Kristof, 39 taong gulang na singer. Makalipas ang ilang buwang ligawan ay naging mag-irog sina Jillian at Kristof.

Noong araw na ipapakilala na ni Jillian ang kanyang nobyo sa kanyang mga magulang, tumutol ang kanyang mga magulang sa relasyon nila dahil sa malaking agwat ng edad. Ibinunyag ni Jillian na buntis siya, kaya niya pinakilala si Kristof ay dahil magpapakasal na sila. Nagalit ang nanay ni Jillian, at sumagot si Jillian ng “lahat ng gusto ninyo sinunod ko. Sana naman masunod ko ang gusto ko.” Itinakwil si Jillian ng mga magulang niya. Nag-impake si Jillian at tumira sa apartment ni Kristof.

Hanggang lumaki ang anak nina Jillian at Kristof at naging sikat na aktres na si Jillian, wala na siyang komunikasyon sa pamilya niya.

Exercise: Monologue

Sala sa bahay nina Jillian, kaharap si Kristof.

Babe, I think it's about time I introduce you to my parents. Tatal, nandito ka na. Umalis lang si Daddy. Pumunta lang yun kina Ninong Mar pero uuwi din yun mamaya-maya. Na sa kuwarto lang naman si Mommy. Lalabas di yun. Ipapakilala na kita. Don't worry.

Hindi naman sa nagmamadali ako. Well, sige nagmamadali na nga siguro. Babe kasi, may concern ako. Babe, buntis ako.

I know you're happy about this. Ako rin naman. But I'm scared. Kilala ko mga magulang ko, especially Daddy. Everything they want me to do, they make it known. Make or break itong pagpapakilala ko sa'yo. We both know na I've been lying to them about my whereabouts every Saturday. I just can't take them anymore, that's why I do it. Hindi ko na kaya ang pagmamalupit ni Daddy at ang katahimikan ni Mommy. But I'm still scared of them.

I just hope matanggap ka nila, ang apo nila, yung anak natin, tayo. I'm still just scared, but I wanna be happy.